

Суббота, 11 октябрь 1941 ар
№ 82 (893)
11-тй АРЗЭ ПОТЭ.
Дуныз: толэзьлы 45 коп.

УДАРНИК

ВКП(б)-лэн М-Пургинской
Райкомезлэн но Райсоветлэн
органы.
(Адрес: с. М-Пурга, УАССР)

Красной Армилы

—умой дасям резерв'ёс

Великой Ленин, асьме социалистической государственной войнэлэн кышкыт нунал'ёс аз, кукле тушмон котыртйз асьмелесь страна-мес огненной кольчон, вераз, что Советской республика султыны кулэ „единой военной лагерен кыл вылын гинэ өвёл, а уж вылын“. Али нош ик вуиз дыр асьме необ'ятной социалистической страна-мылы единой военной лагерен султыны.

Великой Сталин, советской калыклэн полководецез но дышетйез, асьмелэн родинамылы смертельной кышкытлык дыр'я, өте асьмедыс ваньмес военной ужез киулытыны, родинаез защищать каронлы астэ дасяны.

„СССР-ысь граждан'ёсты военной ужлы одно ик всеобщой дышетон'сярысь“. Обороналэн Государственной Комитетезлэн постановленияз в е р а м ы н: „СССР-ысь котькуд гражданин, кудйз оружие нуллыны быгатэ, военной ужлы дышетэмын мед луоз, чгобы дась луыны кие оружие кутыса родинамес защищать карыны“.

Красной Армилы кулэ луо умой дышетэм резерв'ёс, кулэ сыче мурт'ёс, куд'ёсызлэн вань боевой навьк'ёссы но быгато, улонзэс жалагэк, вирзылэн берпум шапыкозяз, тушмонэн жугиськыны.

Туала война кулэ каре квалифицированной воин'ёсты. Соин ик Красной Армилен вуоно боецезлы умой тодоно усе строез, быгатоно шонер ыбылйськыны, отлично тодоно винтовкаез, пулемет'ёсты, минометэз но гранатаосты, быгатоно штыковой бой нуыны, противниклэн танк'ёсызлы пумит отважно нюр'ясыкыны, быгатоно окопаться но маскироваться кариськыны, быгатоно ватскыны артиллерилэн но миномет'ёслэн ыбылэмзылэсь, авиацилен налет'ёсызлэсь, тодоно противохимической защиталэсь средствоосез, тодоно одиночной боецлэсь но отделенилэсь кугиськон тактикаез. Со понна ик тупатэмын одно всеобщой военной дышетон.

Военной ужлы дышеткон организовать каремын рай-

анысьтымы ваньмаз сельсовет'ёсын, совхоз'ёсын но поселок'ёсын. Дышеткон ортчытйське вневойсковой порядок'я, производстоин ужамлэсь вис'ятэк, 110 часлы лыд'ям программа. Дышетконлы дыр трос вис'ямын өвёл, та дыр кустыны котькудйз пычал нуллыны быгатйсь тыршоно луэ военной ужлы умой дышыны. Соин ик занятиос одйг минутэз но пайдатэм медам ортчы. Командир'ёлэсь, политработник'ёлэсь верамзэс, валэктэмзэс сак кылзоно но валаны тыршоно.

Военной ужлы дышетконнын нырысь ик пуктыны кулэ подразделениосын чурит воинской организованность но дисциплина. Занятиосы ветлоно одно ик но дыраз, одйг пол но бере кылёно өвёл—тйни сыче требованиос, куд'ёссы чурит быдэсяно луозы боец'ёс, командир'ёс но политработник'ёс. Занятиосы ветлонын вискарон но бере кылён дун'ямын луыны кулэ дезертирство кадь.

Ваньмыз понна примерен луыны кулэ колхоз'ёслэн, МТС-ёслэн, совхоз'ёслэн, предприятияслэн но учрежденияслэн кивалтйсьёсы, коммунист'ёс но комсомолец'ёс. Соос юрттоно луо райвоенкоматлы ваньзэ ик оружие нуллыны быгатйсьёсты военной ужлы дышетонэ кыскыны, интыын военной дышетконнын материально-технической база кылдытыны но мукет.

Коммунист'ёс но комсомолец'ёс—котькытын азымынйсьёс луо—фронтын но фронтлэн мышказо но. Соос пример възьматано луо калыкез военной ужлы одно дышетонлэн отряд'ёс аз но. Коммунист'ёс но комсомолец'ёс възьматано луо беспартийной эш'ёслы дисциплинированностьлэсь, ужлы сер'ёзной отношенилэсь, материалез отлично валамлэсь пример'ёссы.

Военной ужлы дышеткон кутскиз. Сое ортчытоно Обороналэн Государственной Комитетезлэн постановлениезлэн куремез'я. Дась луоме, эш'ёс рабочий'ёс, колхозник'ёс но интеллигенция, киямы оружие кутыса защищать карыны асьмелэсь родинамес! Ваньмы военной ужлы дышеткон борды!

И в о р т о н

12 октяб্রে 1941 арын, нуназе 12 часын культу-ралэн районной домаз общей районной партийной собрание люкаське.

Ускерон ужлум:

ВКП(б)-лэн Удмуртской Обкомезлэн пленумезлэсь решениосса реализовать карон сярысь.

Партсобрание районьсь вань коммунист'ёслы од-но лыктоно.

ВКП(б) райком.

Красной Армилен боец'ёсыз понна вань калык сьулмаське

Красной воин'ёс понна сьулмаське вань советской калык. Калыклэн аслэстыз Красной Армизэ яратэмез но со понна сьулмаськемез котьку ик практической уж'ёс вылысь адске. Та дыр'я, трудящийсяслэн кутскемзыя, данлыко Красной Армилен боец'ёсыз понна шуныт дйсьёс но пыдкуччан люкасько. Советской патриот'ёслэн та ужзы пёсь поддержать каремын вал районьсытымы ваньмыныз ик трудящийсясын.

Красной Армилен боец'ёсызлы шуныт дйсьёс но пыдкуччан люкан паськыт вёлмиз „Красной Октябрь“ колхозын. Колхозник'ёс но колхозницаос люказы 2 пар гынсапег, 16 ы ж к у, 14 килограмм ыжгон, 12 пар пёзь но 11 пар носки.

Ваньмыз Ст-Моньинской сельсовет'я боец'ёслы ыстыны понна люкамын полу-

шубок'ёс в у р ы н ы 112 ыжку, 114 килограмм ыжгон, 12 пар гынсапег, 82 пар пёзь, 41 пар носки, 45 чушкон, 43 пар бинялтон, 23 пар шуныт бинялтон, 26 ызы но трос миндэр пуйыос.

В. Алесеев.

П-Можгинской сельсоветысь „Виль сэрэг“ колхозысь колхозник'ёс но колхозницаос красной воин'ёслы пёртэм кузьым'ёс люказы. Соос пёлын 16 пар гынсапег, 18 пар пёзь но 17 пар носки.

Сельсовет'я 9 октябрь азелы люкамын 28 пар гынсапег, 121 килограмм ыжгон, 30 пар носки, 30 пар пёзь но мукет шуныт дйсьёс.

Я. Зайцев.

Красной воин'ёслы ыстыны понна трос шуныт дйсь-

ёс но пыдкуччан люказы „Юж-Пурга“ колхозысь колхозник'ёс но колхозницаос. Колхозлэн председателез В. Соловьев эш одйг пар гынсапег но одйг ыжку, нош Е. Корюкова пёзь, чушкон но миндэр пуйы сётйзы. Ваньзэ колхозын люкамын ини 20 пар гынсапег, 71 ыжку, 5 пар носки, 9 пар пёзь, 8 чушкон, 4 пар дэра бинялтон, 2 пар белье, 2 пар шуныт бинялтон но трос миндэр пуйыос. Шуныт дйсь люкан мынэ на.

Та сельсоветысь ик Буденныйлэн нимыныз нимам колхозысь колхозник'ёсын но колхозницаосын боец'ёслы ыстыны понна трос шуныт дйсьёс люкамын ини. Соос пёлын 15 пар гынсапег, 28 ыжку, 16 пар пёзь но 2 пар носки.

Ваньзэ сельсовет'я, 10 октябрь азелы люкамын 82 пар гынсапег, 232 ыжку, 45 пар пёзь, 28 пар носки, 95 килограмм ыжгон, одйг фуфайка, 21 чушкон, 25 пар дэра бинялтон но кёня ке пар белье.

С. Старнов но Е. Шалаева.

Шуныт дйськут люкан тужгес ик азинлыко мынэ Бурановской но Ср-Кечевской сельсовет'ёсысь колхоз'ёсын. Татысь колхоз'ёс ас аязы пуктэм задачаоссэс жожен быдэстозы.

Ваньзэ район'я, 10 октябрь азелы люкамын 168 пар гынсапег, 407 пар пёзь, 166 пар носки, 84 ызы, 156 пар бинялтон, 56 пар белье, гынсапег гындыны понна 1126 килограмм ыжгон, полшубок'ёс вурьны понна 1220 ыжку но 207 чушкон.

Шуныт дйсьёс но пыдкуччан люканын активной участие куте районьн организациосысь вань рабочий'ёс но служащийёс.

А. Митрошина.



Партизанской движение фашистской разбойник'ёслы кышкыт кужымен луиз. Нуналмысь будэ вооружиться кариськем советской патриот'ёслэн трослыд'ем армизы.

Н. селомысь ныл'ёс-колхозницаос, куд'ёсыз партизанской отрядэ пыризы. Бурпаласез—сельской советлэн председателез комсомолка Н. эш.

ТАСС-лэн Фотоез.

Утялтэ коньдондэс сберегательной кассаын!

СССР-лэн Финанс'ёс'я Народной Комиссариатезлэн к о с э м е з'я калык'ёслэн вклад'ёссы, куд'ёсыз сберегательной кассаосы понэмын 1941 арлэн 23 июнысеныз куткыса, вкладчик'ёслы сётйське соослэн нырысь куремзыя котькыче суммаен.

Великой отечественной войнэлэн нунал'ёс аз вань советской калык одйг мылкыдэн жутскиз фашистской захватчик'ёслы пумит, яратоно родинаез възьманэ. Асьме калык възьматэ стойкостьлэсь, героизмлэсь, самоотверженностьлэсь чудеосса. Доблестной Красной Армия но Военно-Морской Флот кужыменызы но мужествонызы възьмало советской муз'емлэсь котькуд висьсэ но пазяло фашистской полчишеосты. Красной Армиен но Военно-Морской

Флотэн чош вань советской калык но быдэс дуннемысь передовой человечество одйг мылкыдэн тырмемыз—пазыгыны тушмонэз. Советской адямиослэн м у р патриотизмы пёлысь одйгеныз луэ сберегательной кассаосы вклад'ёслэн йылэмзы.

Асьме родиналэн патриот'ёсыз—рабочий'ёс, колхозник'ёс но интеллигенция тодо, что котькудйз манет, кудйз утялтйське сберегательной кассаын, асьме странамылэсь оборонной мощьсэ юнматэ, жогомытэ фашистской варвар'ёсты пазьгонэз но быдтонэз.

Государственной трудовой сберегательной кассаос асьме странаын пользоваться карисько бадзым популярностен. Соослэн бадзым кулэлыксы трудящийсяслэн

улоназы. Соос трудящийсяслы юртто каньыл'я коньдонзэс люканы. Коньдонзэс сберегательной к а с с а ы н утялтон—тужгес удобноен, осконоен но выгодной амалэн луэ.

Сберегательной кассалэн туж бадзым кулэлыкэз асьме странамылэн народной хозяйствоз. Ма мындады ятыр луозы вклад'ёс но вкладчик'ёс, сокем трос средство басьтоз страна, кудйз юрттоз азыпалан эшшо но трослы юнматыны странамылэсь оборонной мощьсэ, но жогомытоз тушмонэз пазьгонэз.

Утялтэ коньдондэс сберегательной кассаын!

Сберегательной кассаын утялтйськись коньдонлэн котькуд манетэз юнматэ родинамылэсь оборонной но хозяйственной мощьсэ.

В. Федоров.

